

蠶

司

合

誌

西河合集

蕭山毛奇齡

字大可稿

徐誥二吉校
王璽李侯

蠻司合誌 七

四川

播州楊氏自楊鑑一作楊隆內附以來世襲宣慰使嘉靖

中楊烈逐父相水西客死而自為宣慰生子應龍少

雄猜尤阻兵嗜殺隆慶六年襲職以從征喇嘛及九

絲賊乃楊柳溝有功歷賜金幣萬歷十三年一作隆慶中誤

進大木六十本助工賜鎮國將軍給飛魚第應龍甚

點窺我川。兵弱亟征討。祇調土司。而川將且從。借給
漸驕。塞輕漢法。所居僻。歸龍鳳。用繡女。閹人。嬖小妻。
川氏。雖爲疑。嫡妻張姦。淫出之。已而飲川氏兄所乘。
醉。封刀取張。并其母首。屠其家。居平酷殺。樹威。以旺
此殺人。初。惑七姓。虐所屬。黃平五司。久而覺七姓欺。
已遂。結關外生苗。戕七姓。於是妻叔張時照。與所部。
何恩。朱世臣等。飛書告龍友。貴撫葉夢熊。請發兵討。
而議者難之。總督李化龍。卽給言。龍實無反。令就吏。
丁是。逮應龍。詣重慶對簿。繫論法。當斬。而以二萬金。
請歸御史張鶴鳴。方駭問。會關白發難。久大將軍以。

羽檄徵天下兵。應龍願待罪。得東征許之。既而關白
已就僇。尋報罷川撫王繼光。初任復遣逮應龍勸結
則抗不復出。時廷議勦撫多異同。而繼光一意主勦
與總兵劉承嗣議分三軍。以一軍軍川南山黃平。涪
潭入一軍。軍川北山木寧緝麻。入一軍。軍川東由安
穩松坎入三道竝進。應龍佯令其黨穆焰等約降。而
統苗兵據婁山關衝都司王之翰軍。軍盡覆。餘殺傷
相當。會繼光論罷。卽撤兵。時川兵旣挫。而貴兵協勦
者亦無功。御史薛繼茂乃旋主撫。應龍因上書自訴
其詞頗哀。上仍命郭成等戴罪立效。而以兵部侍郎

刑玠爲總督會應龍進行間者懷金入京爲原奏何

恩所執紀事本末作解綦江縣而其姻黨馬千斛通

播則黃平白泥諸司路扼之玠乃馳檄諭應龍和引

呼劉事待以不死時水西宣慰安疆臣請父國亨卹

典兵部尚書石星手札示疆臣趨應龍就吏得贖罪

而疆臣母鳳氏亦以勸應龍應龍乃上書軍門請就

吏玠乃遣重慶知府王士琦趨應龍安穩聽勘應龍

復不至使弟兆龍赴安穩治郵傳儲糧郊迎叩頭致

備資餼索如禮曰應龍久縛渠魁待罪松坎所不能

至安穩者以安穩故多奏民也應龍誠非心死法第

恐無故爲奏民遮殺則不耳使君幸杜車馬臨覘
松坎使應龍得吐肝膽然後隨車騎至安穩以伏斧
鑕士琦許之遂單騎往松坎應龍果而縛道左哭泣
請死罪士琦乃與之還安穩應龍預擇大木十圍以
上者爲安穩治公館仍面縛叩頭跪起檻獻黃元阿
羔阿苗等十二人案驗抵應龍斬依夷法論贖輸銀
四萬兩助採木工仍革職以子朝棟受土舍事而鞫
次子可棟于重慶追贖梟斬黃元等總督以聞且議
設撫夷同知治松坎而以士琦爲兵備與歷之故事
黃平設通判治獄訟賦稅而黃平五司襲替貢馬諸

表箋必用宜慰印故宜慰得以制五司今議改黃平
草塘白泥餘慶重安五司屬黃平通判詔可乃應龍
既釋益鞅鞅既而次子死重慶則益痛且憤嘗促取
屍棺以勘報未結不肯發趨其完贖大言曰吾子活
銀卽至矣擁兵驅千餘僧招魂而去先是石佳上婦
單氏行宜慰事與應龍通而以次子馬千駒聘應龍
次女其長女則洪邊宜慰宋承恩所聘也承恩以龍
反告官請絕婚而馬千駒方入播願踐舊約于是應
龍統兵擊承恩多所殺略遂分遣吏日據關守險遍
歲五司七姓置江內七牌江外四牌爲巡司搜緝奏

民取諸苗健者謂之硬手劫殷戶以養之乃剪餘慶
土吏毛乘雲棺磔其屍掠石阡大壩焚略餘慶草塘
及興隆都勻諸衛抄重安長官張熹家既而劫江津
縣臨合江索其讎袁子升縋城下脅制之既而侵貴
州湖廣諸屯劄原奏讎民宋世臣鑾及羅承恩等
孥家匿偏橋衛城襲執指揮陳天寵等大索城中得
鑾承恩及子女盡車裂以徇已又令苗兵與婦人交
或對父奸女或面夫淫其妻或裸體坐木露牝叢射
或誘蛇入牝而矯其尾又或掘墳焚屍使雷風飛
灰川撫譚希恩請于合江綦江二縣各置游擊一員

以扼之而貴撫江東之令都司楊國柱等以三千兵
進勦賊作敗誘入殲之國柱不歸死于是罷束之以
郭子章代而起前都御史李化龍兼兵部侍郎節制
川湖貴三省兵事議大征方檄調問應龍遽引苗兵
六萬人繞綦江以火炮攻城城破殺游擊張良賢等
時賊謀士孫時泰勸應龍入重慶應龍曰不清近穴
而取遠地誰謂汝知兵者乃于東壩立播界號宣慰
官莊取貴財子女實之而殺老弱者投屍蔽江既復
聲言江津合江皆播故土將分兵清理終勦乃得日
夜設兵備搜奸細殺之分戍南川合江瀘州議撫局

以經其勢未幾劉將軍經至總督乃移軍軍重慶賊
結九股惡苗及紅黑脚苗大治扼塞官軍相持不敢
前貴將童元鎮坐逗遛革職劉經亦赴師踰期戴罪
殺賊有疑經與應龍昵者總督延經入臥內輪心腹
且以危言激經引其父顯九繇功爲比經大慟願誓
死報効乃委經專制救黃平諸司時石柱宣撫馬千
乘軍鄧坎連破金竹青岡七寨酉陽宣撫冉御龍攻
官壩斬關而入賊方攻婺州聞敗反顧經與總督分
部諸道兵八路竝進而已統勁旅從綦江入連戰破
三峒踰楠木山羊簡臺諸峻嶮奪其隘應龍子朝棟

以苗兵數萬迎敵我師夾擊縱身親陷陣苗大驚曰
劉大刀至矣棟潰圍走初綦江諸苗自分屠城慘戮
罪不赦又應龍憚縱威名冀首挫其鋒改屬朝棟悉
勁兵問道相角曰爾破綦江馳南川盡焚積聚餘無
能爲也及朝棟僅以身免賊膽落諸軍分道竝捷遂
奪天都三百落回賊乘隙出奇兵突犯烏江詐稱水
西龍澄會哨誘末順兵斷橋淹死我師無算參將楊
顯守備陳雲龍等俱死之時有語水西逆賊者龍澄
大恨紀事本末以恨誤眼遂以會賊託田氏修好賄
澄嚴斬其使且與安疆臣約發番殺賊縱乃戰九盤

入婁山關時賊以婁山關爲前門諸軍爭從前門入
總督急下令搦使向後防賊衝突已而賊果抄後山
奪關都司王芬中矢死挺勒騎陷堅大戰水牛塘擊
破之先是督臣與諸軍約約關外宜撫謂多不可勝
誅也關內宜戰謂師不可久老也是時安羅淘洪三
寨生口以鉅萬數皆面縛請降幸許可而長坎瑪瑙
長蛇諸國已前後擊破殺虜數千人於是曾父子計
無復之乃相率登海龍國海龍國者賊所倚天險當
時所稱飛鳥不能踰者也時沅撫江鐸禪將陳璘周
敦吉周以德等皆急攻四賊詭令婦人于四上拜表

痛哭云田氏且降復詐爲應龍仰藥死報裨將吳廣
廣輕信約緩攻已覺其詐乃會八路兵共集圍下總
督聞父喪徒跣墨纓益治軍應龍散金募死士無一
應者乃四顧倉皇偕諸妾閤室自縊已而火起吳廣
獲其子朝棟及妾田雖鳳而曳龍屍出焰中計出師
至滅賊百十有四日斬級二萬餘詔斬朝棟等剝龍
屍而以紼爲軍功冠自總督李化龍以下各進級賞
賚有差其後議分播爲二府屬川者曰遵義屬貴者
曰平越遵義領州一曰眞州縣四曰遵義曰綏陽而
改夜郎曰桐梓改懷陽曰仁懷平越領州一曰黃平

領縣三曰湄潭曰餘慶而合甕水重安曰雍安又改龍泉縣屬石阡專設播州兵備道駐紮義置威遠衛建學增驛

土婦奢世續者永寧宣撫使奢效忠妾也效忠初娶水西安萬餘女名阿節管隨效忠爲其弟安信報讎與安國亨戰朶泥橋多斬獲人稱其能旣而阿節生一子名崇禮與阿節先後死烏蒙祿氏與安氏世婚構效忠因安氏娶祿氏養女之美者曰世統無子其同時養女中有鋪罵者美且少效忠并娶之爲妾卽世續也鋪罵生二子曰崇周曰羅哥效忠死崇周當

襲職顧稚弱總兵劉顯者見鋪罵而喜遂以世續名請冠帶掌印視宣撫事先是效忠有弟曰沙土性陰鷙善淫通其嫂世統據有之兄死將妻世統襲兄職而朝命屬世續大怒時世統居水腦世續居落紅沙土囑夷目胡遷喬安三漢目袁初攻落紅破之世續遁永寧而寄崇周羅哥于鎮雄會總兵郭成以赤水之役過落紅遣指揮使禹嘉績郭天心問土爲土擒而成恃兵衆駕言詔獄耀旌旗戈甲將以脅土土狎爲畏懼負弩矢郊迎竟反辱突殺其裨將黃希忠等御史交劾成成亦自辨謂統以黃金四十餘萬賄

赤水白河諸衛使之申請當是時北亦以千金餉臣
臣未有動也封而貯之同知高文全家若干日矣
今臣欲除姦將出其不意擣其虛以散其金錢偶一
不幸而言者持短長議其後謂生分謂激變天下尚
復有賞罰哉上惡其彊辨奪其官而賜二婦竝冠帶
食水腦落紅二地填以一指揮使崇周以髻髮衣巾
稱博士弟子守其印俟稍長承襲沙卜姑貰辜令退
居撒魁如初萬歷十二年指揮馬懷義往填落紅鼓
吹導之行世統喝之曰止請奪崇周印屬之漢吏然
後許填守行事懷義怯遽返世統由金賂懷義而私

使火者嚴世才詣水西乞兵時播州楊應龍未反有
雄名世續亦遣使胡卿就應龍乞兵戰于麻線堡及
張旗落澗落郎諸屯各相當上乃下兵尚書問狀且
責讓懷義而懷義自十二年至十四年凡三年寄食
他所簿對無一語乃以曾受賂計贓且罰兩婦黃金
劬各復冠帶而以叅將一人填守之十八年詔崇周
襲職世續乃爲崇周娶烏蒙女素除枯落紅會疊茂
徵兵崇周從征大雪山有功二十三年楊應龍反崇
周復應徵已提兵行沙卜乃乘隙伏甲道左將以殺
崇周崇周覺力戰斬首酋二十八級追沙卜至河殺

上有子白僕挾世統略世續金六十萬亡之
當使白春芳以蠱飲崇周崇周死時素賒有身撫巡
仍請世續復冠帶護印視宣撫事世統益悲恨然無
如何時白撒諸生有梁宗遠者多智謀世統聘之至
而身事之不足復飾夷女阿委執箕帚請爲主謀宗
遠令白僕出告謂效忠無後僕實效忠姪得承襲臣
名崇翰屬所司問狀世續乃爲疏奏曰臣不天效忠
卽世兩妾不相能子弱民疑臣以少寡婦居其間歷
干戈險阻閱二十年雖不死然已老矣今白僕實殺
崇周尚迪于就吏乃反欲襲崇周職臣生不願見有

此事幸臣旦夕死任其所爲上乃下兵尚書議不聽
襲旣而世續死效忠疏族有襲者名崇明而于是有
奢安之亂

崇明奢氏本獮種世爲宣慰使傳至崇周死無嗣崇
明以族人冒襲性陰鷲與子寅竝蓄異志天啟元年
詔以邊事徵四方兵崇明疏請提土兵三萬赴援先
遣土目樊龍等將兵至重慶川撫徐可求核之汰其
老弱及頒餉餉匱龍走馬舞梁直刺可求可求死遂
一擁而上殺道臣孫好古略日升李繼周知府章文
朝周知王世科熊嗣先推官王三宅知縣段高選總

兵黃守魁參將萬金玉登爵等原任華昌同知董盡倫聞變帥眾入城殺賊遇伏死餘科臣胡時舉等皆負創踰牆走賊遂據重慶分兵扼夔州水口諸隘奄至遵義下納溪瀘州江安諸州縣惟江津知州翁登彥知縣周禮嘉能嬰城破賊餘俱瓦解賊乃乘勢向成都指揮內世洪等戰死之賊直薄城下懸旌僭號四面夾攻城中僅留鎮遠營七百人調到松潘茂州龍安兵一千五百人左右布政朱熒元登陴而守先是熒元以輯瑞就道驟聞變從者趨速行避之去熒元故徘徊不行已而蜀王出國門率百姓遮道留熒元

樊元乃遠還。慷慨治兵。先令土司坤汝常乘賊而以
指揮常恭等架大砲助之。殲賊先鋒數人。賊稍却。次
日賊數千人以葦裹竹牌障其身。將登矢石無所用。
樊元急命架七星砲。火箭火礮衝擊之。殺數百人。抵
暮賊擁鉤梯數千攀城。而前樊元戒士卒第燃砲礮。
石無譁。遲明賊積屍陵城下。時冬潦水涸。賊率降民
持篋束薪載濠土壘如山上。架蓬葦形類行屋。設伏
弩仰射城中。而垂簾以蔽矢石。樊元夜絕壯士持芻
塗膏殺守者。縱火火舉山巔。賊大阻。樊元又遣人夾
都江堰水以灌濠。濠滿賊乃泊橋得少息。因緝獲城。

中與賊通者二百人懸其首門上賊又于城四面立
望樓高與城等燹元曰賊設瞭望必四出剽掠其中
虛遂命死士五百人突出擊之賊果無備斬其三將
燒樓而還當是時諸路援兵相繼至復安岳樂至諸
縣戰于倒流鎮及石橋未清諸舖各有斬獲且有衝
至城下者時石碓女士官秦良玉頗知兵崇明初起
時卽厚遺白金求助良玉斬使留金率所部兵同弟
秦民屏侄翼明出援遣兵夜襲兩河燒賊船阻賊東
下而自率兵三千星夜赴成都與賊相犄角然賊亦
日增無退意圍城將百日歲且盡城中人不祠臘賀

正第時聞賊發冢墓遙望號哭旣而賊數千自林中
噪而出視之有物如舟名旱船高丈許長五百尺爲
重屋簷第左右而板其中伏力士百人張以毒弩而
以一人仗劍載羽旂驅牛數百頭運石轂行旁翼兩
雲樓如左右廣俯瞰城中人賊中人皆哭樊元曰此
呂公車也破之非礮石不可礮石者巨木爲杵柱置
軸柱間轉索運杵千鈞之石飛擊如彈丸賊車不得
近乃陰發大砲擊牛中其當軛者牛賊返走乘勢縱
擊敗之會諸生范祖文陷賊中密遣使言賊將羅乾
象欲自拔效川樊元卽遣使同乾象來來則樊元臥

戊樓乾象方表甲佩刀樊元呼與飲飲酣呼榻前同
臥。躬如雷不之疑。乾象叩頭曰：公天人也。繼而出
後。凡賊中舉動無不知者。樊元乃造水牌數百而投
錦江。順流而下。令有司沉舟斬筏斷橋梁。嚴兵以待。
賊夜半果逸。乾象等內變。賊營火起。崇明父子拔營
走還保重慶。而乾象來降。樊元卽遣乾象復江安。并
復新都。時樊元已陞巡撫。秦良玉譚大孝諸援兵皆
樊元節制。敗賊牛頭鎮。進復遵義。值賊據重慶。重慶
三面臨江。惟佛圖關至二郎關爲出入要路。賊自通
遠至二郎連營一十七。精兵數萬。副使丘志統總兵

杜文煥與上司秦民屏等夾攻前後賊驚敗遂復二
關殺賊三千餘人乘勝逼重慶斬樊龍等而安邦彥
與水西貴撫王三善禦之三善死會樊元與石砬兵
復遵義敗崇明父子崇明窮蹙走水西與邦彥合兵
謀仍窺遵義官軍戰于芝蔴塘大破之水西酋老虎
阿引殺奢寅來降時樊元喪父歸以閔夢得代之相
持不決至崇禎改元詔樊元起原官樊元甫赴任卽
檄貴兵下烏撒川兵出永寧畢節扼各路要害而親
帥大軍至陸廣撲賊賊時已僻號疾趨永寧樊元乃
詐北誘賊分遣官軍從四路襲入賊四應不給羅乾

象復出奇兵繞後急擊之賊大驚潰遂陣斬二賊以
獻樊元乃諷安位降不至迭攻之遂降時斬首數萬
級鹵獲無算樊元乃復討擺金兩江巴香俱壩火烘
五洞叛苗通上下六衛并清平偏鎮四衛道路凡一
千六百餘里設亭障置游徼以便往來又討平雲南
土合普明聲西南大定因以苗地疏闊難設守遂相
擇要害建石城三十五曰貴州北關曰開州曰敷勇
衛曰鎮西衛曰息烽所曰于襄所曰修文所曰詰戎
所曰濯靈所曰威武所曰簸箕龍曰赫聲所曰柔遠
所曰定南所曰廣順所曰雞場曰青崑曰馬場堡曰

烏江曰連雲曰有嘉曰靖氛曰恬波曰奏膚曰平黔
曰清豐曰舞干曰順化曰懷仁曰馴象曰黃絲曰楊
老曰涼傘曰廣興鎮曰隴落堡曰巴香修舊城十三
曰普定衛曰安莊衛曰新興站曰查城驛曰普安州
曰魏安縣曰施秉縣曰烏撒衛曰赤水衛曰永寧衛
曰普市曰摩泥曰平壩增築官署祠廟并道路館舖
屯哨百有餘所開闢水田一十一萬七千五百餘畝
科田五萬八千餘畝

女土官秦良玉者石砮掌印宣撫使也秦氏繼馬氏
爲宣撫使萬歷末良玉兄邢屏邢翰皆以援遼力戰

死邦屏故爲宜撫使因從征請女弟掌印而其幼弟
民屏者亦同時被創力戰潰圍出歸不能視事良王
忠勇多大略諸部便之請襲終其身會爾賊奢崇明
反夷寨蠢起多響應崇明念石砮盡且巫夔門戶地
遣使賫白金詣秦氏求助良王開輟召使入斬使留
其金料所部兵得萬人親將之而使弟民屏姪翼明
分左右哨捲甲疾趨銜枚度重慶駐兵于南坪之間
陰分兵襲兩河燒其船使不得順流東下別留兵一
千爲疑陣張旗幟守忠萬界爲犄角復移文夔州使
設兵防禦塘通上下聲息而後親統兵溯江水陸並

進會朱熒元大破賊良玉乃迎賊于佛圖關敗之至
二郎殺賊三千人復其地值水西安邦彥反良玉追
賊戰新都而遣弟民屏以別哨援水西大破邦彥丁
平越當是時勅王兵論功良玉第一民屏次之獨惜
民屏擣大方從貴撫王三善行三善死殉之崇禎七
年自成破夔州良玉統土兵出戰却其衆使自成無
西志十三年獻賊既降于督師而叛驟與過天星出
寧昌分兵窺羊頭坂渡大昌將劉貴遮擊之轉而向
巫山良玉卽陳兵洛門扼于百子溪賊不敢近已而
嗣昌至嗣昌湖人欲使湖地無賊盡驅賊入川而後

乃徐圖勦滅。陽言吾以川困賊勢不得不先困川。盡收川兵之壯者益守湖。而第以單弱者屯夔。至間時良玉將兵三萬援夔。城川撫邵捷春檄之使駐近重慶。與守將張令爲聲援。而復分其兵半嬰重慶。城會錦州知州陸遜之罷官歸川。撫遣之按行諸營。過良玉。良玉冠帶飾佩刀出見。左右男妾數十人皆嚴裝。然謹畏不敢仰視。較他營整肅。旣見設饗禮酒數巡。微與遜之論兵事甚悉。已而嘆曰。開府不知兵。吾一婦人受國恩死固不惜。所惜與開府同死此耳。遜之請故良玉曰。開府移妾自近去其所駐重慶三十四。

里而遣張令守黃泥靈岡已失地勢矣夫賊在歸巫
萬山之上俯瞰吾營驅鐵騎建瓴而下張令破次及
我我敗尚能救重慶之急乎且閣部驅賊入川無想
智皆知之聞府不于此時爭山奪險令賊毋敢卽我
而坐以設防此覆軍之道也無何官兵敗于土地嶺
湖將汪之鳳轉戰死良玉疾力偕張令北賊聚于竹
箇坪大殺賊已乘勝出而賊以伏弩射張令喉令死
官軍潰良玉力救之不得還顧石柱兵皆奔無一駐
者乃急集餘衆轉戰大敗遂單騎入重慶城見捷春
曰事急矣盡出吾溪峒兵不減二萬我自廩其半而

以其半給之官猶足破賊吾土官家法訓兵勇以
箸曰能飯者畢至也可急則以帶曰帶境出也提
間事敗律皇獨念嗣昌不相中且川無見糧如之何
項之謝良玉良玉哭而出其後獻賊破四川倂號而
自成已陷京師良玉毀冠帶再拜號咷曰吾兄弟三
人皆死王事而吾以孱婦受國恩二十年今不幸至
此其敢以餘年事逆賊哉悉召諸所部約法曰有從
賊者族無赦于是設四境杜通漢路守以強兵獻賊
遍招諸土司用降人爲誘鑄金印齎之以易其官從
否參半顧無有入石碛境者

黎州馬金者故馬岱後年十六有器識獻賊招土司
至黎州念黎故險阻叩峽飛越溪洞宵冥有山曰斗
門三面懸絕僅通道一綫阻之易爲梗乃賁厚幣錙
宣慰金印叩頭獻馬金馬金笑曰而欲使我從王八
賊耶以金印擲賊使而血出捧其首而走金好酒色
嘗爲晝夜飲醉則裸睡婦人傍醒復飲越一年卒
雅州有高克禮楊之銘者兩家互讎殺而之銘有弟
之喬乘亂弑兄請獻忠兵攻高氏獻忠大悅聲言邊
境初附免租賦三年會雅州知州王國臣西安人初
歸馬嶺旣而歸獻忠嘗與川南迨胡寅不相能將執

寅赴成都寅不得已遁之雅州高克禮家至是國臣
通之裔共以攻高氏爲名執胡寅家口數十人送獻
忠殺之而于是高楊二姓皆從賊

西河合集

蕭山毛奇齡

字大可臨一字于臨

李曰觀次卿校何集炎卓人較

蠻司合誌

雲南

雲南古梁州南境史稱西南靡莫之屬以什數滇最
大漢元封中始兵臨其地滇王請降而後漢伯郡縣
之自後或附或叛蜀漢嘗官其酋長龍佑那賜姓張
氏其既迭有著姓曰蒙氏鄭氏趙氏楊氏段氏高氏
凡七姓惟蒙段最大各世稱王其餘諸族以百數名

百夷大抵居黑水之表者曰獒人居其裏者曰獒人
且亦以表裏分黑白如所云黑羅羅白羅羅者他若
些門麼些秃老蒲人和泥蠻土獠羅舞羅落撒摩都
摩察儂人沙人漂人古刺哈刺面人結些哈杜努人
山後人哀牢人峨昌蠻解蠻魁羅蠻傳尋蠻色目滿
河尋丁蠻栗些各以族類據諸蠻中自漢唐迄元但
以兵力羈縻之入明南征竟版籍其地辟箐落而加
以經畫彷彿神農間地至日月之表者創置雲南楚
維臨安大理諸府爲內地而更以元江永昌之外麓
用車里諸地爲西南夷一如舊時成都之視滇池其

南以元江爲關。車里爲蔽。而達于八百。其西以永昌
爲關。麓川爲蔽。而達于木邦。其西南則通緬甸。而底
于南海。其東南則通寧遠。而竟于安南。其西北則拓
麗江。而達于吐蕃。幅員廣大至是已極。雖夷性靡常
叛伏不一。而控制繹絡。鞭箠可使。故當洪武南征時
甫命三將軍入雲南。而來安府土知府岑漢忠與其
弟漢良招諭定遠諸府縣十有八處。進表願附上以
原官嘉勞。而武定府上官法叔妻商勝率諸部按兵
獻印。請爲編氓。詔授勝中順大夫。武定軍民府。女知
府。錫之誥命。并賚朝服及織金羅衣紗帽金帶蠻人

大附惟大理段世致書請依唐宋故事僅奉正朔爲
外臣征南將軍傅友德與副將沐英藍玉共討平之
獲世獻俘以次撫車里麼些和泥平緬諸蠻遂移兵
高烏撒東川芒部置大渡守禦千戶所率兵守之以
通往來乃以烏撒烏蒙芒部地近四川奏隸四川布
政司已得上諭謂地廣兵稀不宜分屯但當于赤水
畢節七星關各置一衛而駐一營于黑張之南瓦店
之北會征南諸軍方分兵出攻未伏諸蠻而土酋楊
直謂城虛守弱遂相煽叛糾衆二十萬合三十六營
攻城時城中乏食守將馮誠嬰城守出奇兵殺賊沐

英從烏撒還援斬賊六萬餘級生擒四千人遂定乃
于麓川之外征緬甸及八百媳婦諸國擊破會川土
知府王春于金沙江就諸府築城建衛擒廣南土官
儂貞佑送京師開建昌新道置驛徙中土大姓以實
之討樂蘭州韋富及廣南特摩道雲南臻洞西浦擺
金擺榜諸蠻并討平越蠻麻哈楊孟等大置屯口自
楚雄至景東每百里置營率兵屯種獨麓川思倫法
遣使朝貢已獻元所授平緬宜慰印而結砦入寇沐
英遣竇正張因大敗之于摩沙勒賊復悉衆號三十
萬戰象百餘再寇定遠乃以火銃神機箭擊象焚象

昔戰樓俘斬萬衆生獲象三十有七其渠昭祿昭綱
子斯郎理等皆被矢死象背蠻俗稱宣慰爲昭總領
昭孟把事諸目爲昭祿昭綱昭百昭哈斯昭准以
大臣屬遂轉向討越州土目苦麻部蠻阿資敗之普
安斬其渠滿巴青阿資恃險不伏復合擊斬其火頭
弄宗等阿資窮蹙與其母請降因置越州馬隆二衛
以控其地已而再叛都督何福再平之乃置府二十
左右分畫左曰迤東右曰迤西間以大江東北曰金
沙西南曰瀾滄其官軍戍守及五方之人或旅或處
錯雜相餽者是曰漢人其生夷曰夷人分獎獎爲界

爨屬郡縣。爨屬羈縻總計。夷漢則漢三夷七分計兩。
夷則爨三。爨七開設土司衙門。置車里木邦。孟養。緬
甸。八百大甸。撣川。平緬。六宣慰司。及孟定。南甸。芒市。
三府。鎮康。灣甸。大候。威遠。四州。十二關。納樓。茶甸。干
崖。鳳溪等十二長官。而以諸夷數叛。賜姓刁。曩罕。永
樂三年。擣家生夷。曾備方物入貢。置老撣宣慰司。四
年。孟指生夷。曾來附。置孟艮府。遣中使楊瑄與雲南
千戶孟景賢往諭百夷諸生部落。于是大古刺。小古
刺。及其隣境諸番曰。底馬撒曰。茶山曰。底板曰。孟倫
曰。八落搭皆遣隨中使貢方物。且言諸部落皆西南

極邊自昔未通中國願內屬乞設官統理于是詔置
宣慰司二長官司五遣官賫誥敕印符賜之乃以車
里木邦孟養緬甸老撾麓川平緬八百大甸七宣慰
司十二開納樓茶甸教化三部王弄三虧容甸溪處
甸思陀甸左能寨落恐甸安南祿谷寨刺次和韋甸
香羅瓦魯之因遠羅必甸馬龍他郎甸者樂甸十七
長官司屬布政使司潞江鎮遠楊塘三安撫司鳳溪
施甸茶山促瓦散金里麻六長官司屬都司統隸之
兵部武選設武定麗江景東元江順寧永寧鎮沅蒙
化孟艮孟定知府十八寶山南甸蘭州灣甸寧州富

州北勝大候雲龍菴鄧川安寧威遠霑益羅維鎮
康陸涼知州十七人臨西嶧峨雲南亦佐羅次元謀
知縣六人廣南姚安同知二人鶴慶知事一人干崖
經歷一人巨津師宗菴藥通安北勝鎮南姚州順州
州同知八人北勝南安鎮南州判官三人雲南楚雄
亦佐易門定遠永平縣丞六人昆明雲南廣通嶧峨
定遠楚雄主簿六人威遠州吏目一人五井順益鹽
井副使二人連爲古刺騰衝樣備觀音山沙橋德勝
關洱西在城打牛坪晉寧易龍驛丞十二人金齒水
眼鄧川州寧蒗順寧尋甸永摩村東山口瀾滄江師

井打牛坪盪井金沙江十二關備溪江青索翼納更
山蒲陀崇鎮南箭桿場關索嶺鐵爐青水江黑鹽井
西金沙江赤水鵬定西嶺龍街關蔓神寨徐白水關
南平關白鹽井阿雄村受賴元江禾摩村安南坡祿
賧練象關楚雄縣松詔鋪觀音山鳳羽鄉東金沙江
回登關湯池英武關巡檢三十六人改流二十五人
增設鶴慶尋甸廣西知府三人馬龍彌勒維摩阿迷
知州四人路南蒙自知縣二人楚雄府同知一人麗
江府照磨一人浪穹典史一人彌勒沙鹽井副使一
人永平潞江羅士思庄雲南驛丞五人宣化關甸頭

樣備神摩洞下江南安州普昌石門關彌沙井雲龍
甸煉象關楚場巡檢一十二人統隸之吏部驗封其
所設土司皆置長食其土歲各量出差發銀多不過
二千五百兩少者四十兩或十五兩連互數千里貢
道分上下二路宣德七年鉏兀生夷酋新附置鉏兀
長官司正統三年以麓川思任法叛討平之革麓川
平緬宣慰司改置隴川宣撫司于隴把陞南甸州于
崖長官司爲南甸于崖二宣撫司改茫施府爲芒市
長官司四年哈瓦生夷內附置孟璉長官司成化十
四年尋甸知府安晟死兄弟爭襲改尋甸土知府爲

流官知府廣西亦如之弘治十七年增設寧州流官
知州隆慶初以武定鳳氏屢叛討平之改設武定府
流官知府增守禦所二年增設鄧川州流官知州萬
歷十三年平羅雄州土酋者繼榮亂改羅雄州爲羅
平州調曲靖中左所爲定雄所三十五年平順寧知
府猛延瑞亂改設順寧府流官知府改大候州爲雲
州設流官知州四十二年以雲龍州知州段進忠殺
土官段嘉龍受誅改雲龍州土知州爲流官知州裁
革五井提舉以鹽課并歸之其土官著姓者土知府
則景東陶氏蒙化左氏麗江木氏順寧猛氏永寧阿

氏廣西昂氏鎮沅刁氏元江那氏尋甸安氏武定阿
氏土同知則姚安高氏廣南儂氏土知州則安寧董
氏鄧川阿氏雲龍段氏北勝高氏寧州祿氏大候奉
氏霑益安氏路南秦氏羅雄海氏寶山蘭州羅氏富
州沈氏土知縣則峨嵋陳氏雲南楊氏元謀吾氏其
土司著姓自蒙段七姓後雜以卜氏多氏思氏莽氏
普氏猛氏沙氏及刁氏曩氏罕氏大抵諸夷風俗與
中國大異冬夏寒暑晝夜長短一切均等惟臨安以
南五邦之民稍苦熯熱咸剪髮以避鬱毒地多海子
有江水可通舟楫其落坎處飛瀑流沫奔陷數百丈

俗謂之嵌則尺桴寸筏所不得渡其十三府地半屬
梁州益州之間但多襍蠻舊爲莊蹻所開本名滇國
俗無禮儀男女趨捷不鞍而騎食貴生貿易用貝凡
貝數一貝爲庄四庄爲手四手爲苗五苗爲索雖租
賦亦用之椎髻編髮處子婦婦必先竊耦而後成婚
其在臨安爲句町國澂江合強宗休制羅伽三部景
東栢南漢未有其地永寧名樓頭賧順寧蒲蠻其夷
俗時與漢同然究不相習七軍民府多麼些新丁阿
爨成倡諸族自楚雄迤南有名真羅武人者人死則
畏以犛鹿犀兕虎豹熊羆之皮棄之深山久則其人

卽隨所裹皮化爲其獸而去。又蒲人縲人哈刺其人
色黑如墨。有被殺者。視其骨亦黑。麗江屬州男女。鑄
松脂束髮。每一歲爲一縷。行則銚然有聲。地產犏牛
不能耕。惟斷其尾。茜染之以飾。盛介州界。有關人皆
不得入。惟府吏得入。故人嘗願爲府吏。諸甸本土羅
羅和泥人。好相殺。死則償以財。家無姓名。其有名者
或遁承其父名之。顧無姓。弘治中。知府陳晟以
百家姓首八字。司分字。加于各名之上。諸甸皆受
惟納樓不受。其外百夷館。以木邦爲首。木邦與孟養
同俗。男貴女賤。雖細民視其妻如奴僕。男子白衣文。

身婦繫罔桶裙操作其迤西南句設南牙山關甚險
在騰越南有山名半箇山者山巔北積雪南炎瘴如
炊蒸婚禮置茶穀于筒婦人怪者或化異物富家化
牛馬貧家化獾狗至夜伺夫寐以短木置夫懷中夫
不能覺卽化去攝人魂魄至死食其肉有守者逐得
則夫家亟出金往贖否卽殺之于崖土熱四時皆蠶
取其絲織五色土綿充貢隴川雞鳴無時牝雞亦能
鳴魚有鮎頭鯉身者牛有水牛頭黃牛身者惟威遠
莫蒙寨有河汲水煉炭上可爲細鹽灣甸名細賸水
不可涉有黑泉如黥漆漲時飛鳥過之輒墜夷以竿

結布濯而暴之用拭盤盂人食其物立死芒市名大
枯腴小枯腴又名怒謀男裝足衣繒布女分髮而額
爲一髻跣而衣皮者樂甸互市五日十日一集旦則
婦日中則男更代貿易永昌舊名金齒卽古哀牢國
唐名六詔蠻地稱王曰詔有蒲人其在永昌鳳溪施
甸及十五喧二十八寨皆濮種不知荷擔負竹篾于
背入水不濡其在蒙自及教化三部十八寨者號野
蒲其八百館八百大甸先有土酋置妻八百各領一
寨名八百媳婦洪武初其酋刁攬那內附設宣慰每
遇改元則頒敕諭金牌勘合與緬甸同其俗事佛敬

僧見客無跪拜之節。把手爲禮。男女皆刺花樣。幃目。問以爲飾。老嫗車里亦如之。車里則額上增刺一旗。其地過紅衣及景東界。度險數日。皆平地。戶多樓居。樓出陞謂之掌。可晾衣物。其下畜六畜。人娶四五婦。不如俱作。皆妻妾。夫死則棄之。無娶者曰鬼妻。有過客。願暫謂之上樓。上樓則翦髮。不得歸。其家人聞之。輒痛哭如聞訃。然曰車里上樓矣。凡食牲不殺咒而死。其緇甸館本元邦牙軍界。金沙有屋廬。舟筏其國。書爲緇文。進上者。書以金葉。次貝葉。次檀栾葉。緇會倚案。悉用金。出則乘白象。張金葉曲柄傘。以竹皮爲。

冠環排珠翠以飾之。國人稱會曰卜刺浪。男女衣白
纈。白莎羅布裸而塗以白檀。姜黃之末。顧地熱日三
浴于河。日沒時游如雷鳴。日入卽止。立阿瓦利城邦
。直根諸寺有事則抱佛談誓。自諸府州衛以及百
夷羣。何所稱三宜六慰者。其土俗隨在各異。獨正火
把節在六月二十四日。云是日南詔誘殺五詔于松
明樓。取以爲節。自二十日後家爇大火。樹于庭。不分
老。俾人執一小炬。互相焦灼以爲樂。有鬚眉莢脫者
。日具醢腥。吸酒名姻。姬貧家亦醵飲于市。醉則聚廣
地。明火相撲。遇水則執炬者躍波而行。無炬者浮奪

之自貴州普安以達於雲南一境皆然無敢禁者
雲南府本爨鳩獠獠舉毒獠粵烏蠻所居唐後屬南
詔改名善闡歷鄭趙楊三姓至大理段氏以高智升
領善闡遂兼有其地元末段氏世襲宣慰使有功
者初爲蒙化知州以兄光死無嗣襲總管時元宗室
皇子忽哥赤爲梁王鎮善闡明玉珍自湖入川統紅
巾三萬攻雲南梁王走威楚諸部悉亂功駐兵呂閣
巖紅巾于開灘江時紅巾收合餘衆再戰功在陣中
得玉珍母寄其子書戒勿輕還功摩其書歎易之促
之歸玉珍得書疑國中有變又新失利竟旋師功追

之至七星關大勝而還王素雉段氏至是深德功以
欠阿蓋主妻之奏請授雲南平章前意承奉功遂留
善闡其原妻高氏在大理善文倚樂府詞邀之功乃
歸已而復來或諧于王曰段平章歸而復來此必有
不利于善闡者蓋早圖之王曰然密召阿蓋主付孔
雀膽一具令毒功主不忍夜語功曰我父忌阿奴將
殺奴矣願偕奴西歸因出毒具示之功不信曰爾父
視我厚吾趾白蹶傷爾父尚爲我裹之何得有此再
三言不聽明日王邀功東寺演梵至通濟橋馬逸主
令番將格殺之主聞變失聲哭曰阿奴不聽吾言致

有此雖然吾不負阿奴起。自裁王守之。嚴主愁憤將死。乃作詩曰。吾家住在雁門深。一片閒雲到滇海。欲隨明月還蒼山。謀我一生踏裏彩。吐嚕吐嚕段阿奴。押不蘆花何處採。肉屏獨坐細思量。昆西鐵立霜灑灑。踏裏彩被也。吐嚕無知也。狎不蘆回生草也。肉屏者。繫馳也。昆西。昆陽之西。鐵立。松也。時主從容死而功有子。寶女。僧奴不忘復讎。僧奴將適建昌華黎氏。出手刺繡文旗。以與寶曰。我自束髮聞父冤恨。非男子不能報此旗。所以識也。是時高皇帝卽位金陵。改元洪武。而梁王尚摯善鬪。與元主相通。復奏舉寶爲

雲南左丞未幾明王珍復侵善闡王借兵大理寶答
書曰平章已亡兄弟罄絕止遣一婢一奴恐不足配
阿蓋主矣乃謝其使急奉表歸高皇帝高皇帝答慰
之時有妖巫女歌曰莫道君爲山海主山海笑諧諧
國中花謝千萬朵別有明主來未幾寶病死子明嗣
明又死叔父世興國事洪武十五年三將軍破善闡
梁王敗走世上書請奉正朔修歲貢不從再上書詞
旨驚驚三將軍大怒督兵竝進大敗之擒世并寶二
孫苴仁苴義俘京師上釋之賜苴仁名歸仁授雁門
衛鎮撫苴義名歸義授永昌衛鎮撫以寶曾表降故

也餘悉伏誅

景東古柘南地元始內附以所部隸威楚萬戶統威
遠州及案井毋龍猛統阿籠三何洪武初士兵至楚
雄士官俄陶襲知府阿只魯職爭先納款獻鎧仗馬
匹并元所給牌印上嘉之卽授陶景東知府頒印世
其職既而思倫攻景東陶奔白崖上爲立景東衛命
陶往鎮而別以流官掌印蒞府事陶至鎮勤慎守法
不敢踰尺寸夷漢安之因仍復知府頒賜金帶且鐫
誠心報國四大字褒之陶死子陶幹嗣遂世氏陶正
統中陶瓚征施川有功加級至陶金以七事未襲印

被奪及追得印始襲後有陶明卿署名

永樂二年上以百夷新附命製信符及金字永州頒
給木邦八百大甸施川平緬緬甸車里老撾六宣慰
司千崖大候里馬茶山四長官司潞江一安撫司以
及孟艮孟定灣甸鎮康等府州土官其製以銅范信
符五陽文者四陰文者一以一合四俱相符陽文分
刻文行忠信四字而陰文則兼刻之乃作批文勘合
底簿自一號至百號止其號之字則車里以車字緬
甸以緬字各編底簿而發陰文信符及批文勘合百
道于諸土官發底簿于布政司其陽文信符及批文

百道則藏之。內府凡朝廷遣使齊陽文信符及批文
各一至布政司比同底簿然後遣人送使往令土官
比同陰文信符及勘合卽如命行其信符之發初發
文字次發行字周而復始又製朱牌鏤金字敕書其
上諭之其文略曰敕土官爾以遠人慕義慮大小臣
民假朝廷差使需索特命禮部鑄信符付爾凡調發
及當辦諸事須憑信符乃行如越次及比字號不同
與有信符無批文有批文無信符者皆詐也其禽之
至京處以死罪至勘合百道凡軍民疾苦及奉信符
諸務與貢獻方物俱填寫勘合與司比號而書

之底簿然後司官亦遣官同齎奏聞若邊疆機事徵發調遣從三司官會同計議已經承行則亦填寫勘合奏聞如例毋忽

初孟璉屬麓川平緬宣慰司其後屬孟定府永樂四年設孟璉長官司以刁派送爲長官而孟定土知府刁名扛本平緬頭目與派送等夷派送遽服屬不屑遂于其子懷罕入貢時上言孟定孟璉比肩族無統轄統轄未便遂改隸都司而促瓦散金二長官司亦以上官註甸八請不屬之麓川平緬而屬之都司順夷情也其後溪處甸長官自恩以所屬臨安歲貢納

海肥七萬九千八百索本司無有仍須向臨安買給
未便因願改隸他府廷議除其稅而仍不改隸上從
之

車里爲倭泥貉獐蒲刺黑角諸蠻襍居自昔不通中
國元將兀良吉解伐交趾經其部降之置徹里總管
領六甸洪武十七年設車里軍民府十九年改宣慰
使司以土官刁邏答爲宣慰使末樂改元刁邏答內
使商官吏西平侯請討之上遣使詰責悔懼還所鹵
及遣入謝會八百者乃八百大甸初附設二軍民宣
慰使司以刁招徐刁散爲二宣慰使而邏答惡之遣

頭目攬線思奏請舉兵攻二宜慰不聽遲答死子刁
更孟襲職刁更孟死子刁霸襲幼叔父刁怕漢請暫
典州事俟刁霸羨長還之謂之借職旣而刁怕漢亦
死怕漢妻恃勢請以女土官借職不許密召前夫子
刁弄冒爲遲答係請襲職竟于永樂十五年襲宣慰
使而以刁更孟之弟刁雙孟爲土同知十八年雙孟
惡刁弄強冒反壓已事多掣肘乘蠻人不服奏言弄
暴民民無寧居乞別設治所分其衆因設靖安宣慰
司而以刁弄爲軍里宣慰雙孟爲靖安宣慰相抗弄
大恚目與兵事讎殺先是永樂末布政司承差劉亨

徵差發銀于車里誑弄。派取諸部銀預輸之。官應免。常年差發而每年徵輸仍不免。至是益甚。宣德三年。承差洪溢來徵銀蠻人大訐。謂刀弄賣已自贖。遂聚衆作雙孟。遂弄弄不敢投之。老撾洪溢乃奏稱車里宣慰刀弄與靖安宣慰刀雙孟讎殺棄地投順他族。請差官察治。招撫土令黔國公同三司按問。會刀雙孟死了。刀劄供襲靖安宣慰而刀弄亦死。老撾于是刀弄母乃具言兒弄爲承差劉亨所賣。預科差發銀兩誑之。蠻人不平。故兒弄奔老撾貸責思以償民。乃不幸蒙霧露死矣。又不幸蒙惡聲。兒弄實未嘗棄。

地亦未嘗與雙孟讎殺投他族三司乃上狀罪亨等而更孟之子刁霸羨亦年長遣土目名哀入貢并請襲職上命霸羨襲車里宜慰而以霸供爲靖安宜慰如故九年刁霸供上言靖安卽車里舊地但以析作二治致起爭端今請仍合爲一歲貢差發悉如舊例以杜後患上從其請遂革靖安宜慰司合之車里而以霸供霸羨竝爲宜慰遣使賞信符敕書文綺賜之傳至嘉靖間緬甸侵車里車里附緬然有二宜慰其在大車里者應緬在小車里者應漢至萬歷中官軍大征緬宜慰刁橘猛畏之乃始貢象進方物并一應

差發如故。是後無附編者。

高思弄。楚雄土官。高政女也。末樂中。政朝行在會。成祖北征。昭皇帝監國。召政語悅之。陞知府。且命其子孫世襲同知。政卒。無嗣。其妻請承襲。知府許之。旣而妻又卒。宣德五年。政女思弄來朝。仍以承襲。知府請上命襲同知。時楚雄同知無土官例。吏部據例覆上。曰。皇考有成命。何可沒也。乃特設土官同知一人。而以思弄居之。楚雄之有土官。知自思弄始也。

思弄旣爲楚雄土官。知于宣德六年進貢。自鈿冠帶。作土婦裝騎象入彰義門。觀者爲之給土婦貢象圖。

及思弄所配土舍刁賢死賢弟刁浪兒請收思弄爲妻思弄不伏愬之布政使李榮榮初命隨蠻俗暨見思弄頓改其語謂同知命官也豈有命官爲他人據有之理無已或官夫弟無妻者則任本官擇有之然此爲官有非有官也于是浪兒愬無妻思弄仍得收浪兒有之榮嘗留思弄飯臨更衣思弄褻皮帽約帛已繫花桶裙將覆織衣榮遽謂之曰聞蠻俗官婦必刺艾旂于兩臂有之乎曰無有也擲袖出雙臂示之然後徐歛袖而束以花紉容止秋然思弄嘗赴部部問官何名曰思弄曰官何以思弄因改思龍然蠻人

猶思弄如故云

西河合集

蕭山毛奇齡

字僧開一名佳稿

郁雲龍公較纂文子問

蠻司合誌九

雲甫

二

宣德三年設車里靖安鹽井巡檢司以通事王敬爲
巡檢五年又設廣邑州置土官知州同知以阿都魯
爲知州莽寒叔爲同知先是金齒廣邑寨木末昌副
千戶阿于所居于嘗奉朝命招生蒲五千戶有功至
是千遣孫阿都魯同蒲人莽寒叔阿類詣京修貢且

乞于廣邑置州使阿都魯代已掌州事以熟蒲并所
招生蒲屬之報可又設孟緬長官司及滇灘木縛雷
傍哈丘壠磨孟倫五巡檢司時景東府奏所轄孟緬
孟梳二寨僻遠屢被外寇乞并孟梳于孟緬設長官
司授把事姜嵩爲長官以隸景東歲增貢銀五十兩
而茶山長官司奏所轄夷民悉居深山獨以滇灘當
小茶山瓦高之衝寇常出沒請以通事段勝爲巡檢
置司滇灘以鎮之又南甸州奏其地先被麓川所侵
賴朝廷威力復之倘不置官司以正疆界恐侵奪未
暇乞于木縛雷傍哈丘壠磨孟倫各置巡檢司上從

其言又設金齒軍民指揮司騰衝州置土官知州時
騰衝守禦千戶所土官副千戶張銘言本所遠在極
邊每以施川仇殺驚擾夷民乞設州治置官吏與騰
衝守禦千戶所相兼守鎮撫許之卽以張銘爲騰衝
州知州

八年設騰衝州庫扛開庫刀開庫勒開古湧二開并
南甸州賴邦哈九浪莽孟洞八巡檢司先是騰衝州
奏本州路通麓川緬甸人民多逃徙差發貢獻時時
有誤舊設四百大長隸騰衝千戶所故庫扛開五處
皆軍民兼守今四百大長已隸本州而所守者止居

民未便乞于諸處置巡檢司以上軍尹黑張保李甫
郭節爲巡檢又南甸州奏其州與麓川接境舊十二
百夫長在騰衝千戶所故賴那哈諸處亦軍民兼守
近以麓川侵擾軍民不守者十餘年今朝廷已諭麓
川還所侵地惟恐再見侵據與逃徙未絕乞于木州
賴那哈九浪芥孟洞三處亦各置巡檢司以上軍楊
義趙得趙榮三人爲巡檢皆下所司議更如議又設
臨安府河底威遠州播孟二巡檢司先是臨安府虧
容甸長官司奏河底路通車里八百諸長官司自洪
武中曾置官渡船以濟往來今軍民逃逸出境許稱

使者過令乘載往往被害且緣河劫盜多有乞置巡檢司以故把事袁凱之子瑀爲巡檢威遠州亦稱其地與車里接境累被各土官縱賊攻掠播孟當其衝乞置巡檢司以把事劉禧爲巡檢從之

初瓦甸長官司言曲石高松坡馬甸其地山高林深寇盜出沒乞置巡檢司以通事楊資楊中范興爲巡檢下三司及巡按御史審勘至是奏以爲便遂置三巡檢司命資等爲巡檢資于曲石中于高松坡興于馬甸

大候長官司土官才奉罕奏大候蠻民復業者多歲

納差發銀二百五十兩按前永樂中蠻甸鎮康二長
官司以民多復業歲納銀各百兩俱陞爲州今納銀
已倍于昔而復業日增請得援二州之例上顧行在
吏部嘉其撫綏竟從其請至八年南安州鄉老言本
州俱係羅舞和泥烏蠻頑獷成性向無土官蒞治之
多致流移并差役賦稅俱難理辦近因本州缺官委
琅井土官巡檢李保暫署州事保甚善撫綏民流皆
歸此真良牧也倘能陞本州土官幸甚行在吏部尚
書郭璉以非例不從上曰卿但知守例而不知爲治
在順民也遂以保爲南安州判官時緬甸宣慰背得

以所轄常蕩地饒欲殺其頭目新把的而據有其地
新把的遣子莽只朝貢具懇其事且乞置司授官庶
免侵殺遂于東倘地置東倘長官司而以新把的爲
長官既而鉅兀五隆二寨亦以其地與和泥蠻近其
酋任者陀比朝貢至京皆奏其地近蠻請設官授職
以總其衆乃遂併五隆于鉅兀設鉅兀長官司而以
正者爲長官陀比爲副九年命改瓦甸長官司不隸
金齒而隸都司以瓦甸目把刁怕賴等言本司離金
齒最遠而去都司實近因改隸焉
濶治衛有力些賊每聚衆殺人燒廬舍宣德初緬甸

招綱巴罕入貢賊奪其貢物而射死其子同時有順
寧雄摩一十五寨蒲羅夷賊倚山出略殺死順寧千
夫長阿茂并土兵等上命都督沐昂發鶴慶順寧土
漢官兵分勦二賊俱平之

永寧蠻寨矢不刺非于宣德四年糾合四川鹽井衛
土官馬刺非殺永寧土知府各吉八合去官軍撫諭
之已命卜撒藥知府職矢不刺非復殺之已命卜撒
弟南八又襲而馬刺非據永寧節上上下下三村逐南
八大掠夜白尖住促卜瓦諸寨事聞上命雲南三司
馬刺非并移檄四川行都司下鹽井衛諭馬刺

非還所據村寨事遂寢焉爲語曰土官數奇逢兩利非

未昌千戶所千夫長刁不混班攻剽潞江逐安撫襲
壁奔金齒而據有其地宣德五年黔國公沐晟與三
司官遣使招諭刁不混班懾罪盡還所據地復歸川
居且當差如故已而八百大甸土官刁招散遣貢方
物且奏波勒詣轡嘗以土酋土雅兵入寇殺人掠貨
乞發兵進討上不聽但敕使諭之且曰聞八百大甸
去雲南五千餘里而波勒土酋土雅皆未嘗歸化吾
安能勞中國之人爲遠夷役哉

永樂初寧遠州土同知刁吉罕奏稱其本州所轄猛
慢七寨爲安南所奪且幽其壻及女去而徵差發銀
于諸寨上遣禮部遣使諭安南王胡沓令還所奪并
不許私徵差發已而臨安亦以地隣安南每被盜黔
國公沐晟奏請駐民兵于黎花舊市立營柵使與臨
安官軍相兼守已復陞黎花舊市柵爲臨安衛中有
千戶所頒印給冠帶如例至宣德中寧遠州復爲安
南所侵掠刁吉罕告急延議調官兵委都督沐昂討
之上諭昂曰蠻夷譎詐未可知也往爾兄征南嘗調
徵寧遠土兵七千竟無至者而反助黎利爲逆今安

知其非仇殺而輕役我也其察實以爲進止毋忽
麓川一名白夷在金沙江南與緬接境元時思氏居
之洪武中三將軍下雲南思倫請降授麓川平緬宣
慰司使未幾思倫叛逐景東知府俄陶大殺掠西平
侯沐英討平之已而思倫與土目刁幹孟相殺上命
沐春何福進討何福擒幹孟因分其地設孟養木邦
孟定三府屬雲南而以潞江干崖大候灣甸四長官
司隸焉末樂元年改設孟養木邦爲宣慰以刁木旦
爲宣慰使廢思倫舊職而木旦爲緬甸土官那羅塔
所殺兄子刁賓王以上同知典宣慰事然又阻于緬

寄居金齒者有年。正統初，思倫子思任性桀黠，善兵。毋大言，復祖父遺業。至是，乘機據龍川，略孟養地，傍及孟定、灣何、南何、潞江，并攻陷騰衝，而自稱曰法法者。夷王號也。四年，敕黔國公沐晟爲征夷將軍討之。并諭木邦宣慰罕門發協力，會勦師次潞江。思任遣其將緬檢截江拒守，師不得渡。初，思任未叛時，刁賓王嘗遣思任質晟府。晟兒子畜之。至是，晟遣使諭降。思任佯許諾，晟信之，無渡江意。而賊將緬檢數挑戰。時左都督方政爲前軍，怒甚，請攻之。晟不可，政不勝。賊獨率其戲下夜渡江，擊走緬檢，破柵斬三千餘級。

獲象三十餘遂與其子瑛部將顧勇等乘勝深入追
思任上江上江賊重地蠻兵大集政以旂牌乞晟援
晟不遣曰渡江非我使也久之以少兵往復不進政
知晟無援意遣其子瑛還而身與顧勇陷陣死事聞
晟自知不免以冷水攪酥餅啖之發疾卒上乃敕沐
昂代晟討賊而思任益橫犯景東殺大候知州刁奉
漢等破孟賴諸寨降孟璉諸長官司昂抵隴把以糧
乏引歸喪其叅將張榮于芒部下詔切責昂乃條攻
取之策請兵十二萬分三道進下廷議廷臣多言不
可而王振用事欲示威四裔乃于六年春命定西伯

蔣貴爲平蠻將軍同兵尚書王驥監軍曹吉祥率湖
廣四川廣西貴州及京營軍一十二萬往征之陞辭
賜金兜鍪細鎧弓矢蟒衣以行遇賊大候州解其圍
遂至金齒分兵三道徑抵上江會大風縱火焚柵斬
賊數萬級賊將刁放憂刁招漢俱死生擒刁門項等
賊敗走保險驥等益麾兵入破連環七寨于沙木籠
山又破象陣于馬鞍山之陰賊死者十餘萬思任棄
妻走緬甸會維摩州蠻韋耶羅作亂自稱廣新王驥
復擊之遁安南安南人截首來獻驥還京論功上賜
雲于奉天門進蔣貴爲侯而封驥靖遠伯贈方政威

遠伯諡忠毅。餘陞賞有差。時思任旣逝。而其子思機潛匿孟養。復求撫乞守故地。朝議謂首惡未擒。餘孽復熾。命王驥再鎮雲南。驥同蔣貴督兵征緬甸。索思任父子緬甸約往取驥。難之。郭登請行。由金沙入緬。緬酋卜剌浪來會。頗驕蹇。登折之。緬叩首聽命。登還其國。相緬刺劄以大金樓船載思任來獻。時嫉登功者別遣登守沙壩。刺劄至江不見。登徘徊驥貴驟擊緬焚其舟。刺劄復持思任去。而思機亦遁。驥乃遣千戶王政諭緬許以孟養之地。易思任卜剌浪喜縛思任及其屬二十人付政。政遂斬首兩獻京師。以卜剌

浪長子銀起莽爲孟養宣慰而思機與弟思卜尚潛據其地銀起莽不能有也十一年改麓川爲龍川設宣撫司于隴把以土目恭項爲使降敕赦思機思卜罪令其來朝不至時沐昂卒兄子儼襲爵又卒斌又襲屢救之進兵終不能克十三年復議征麓川王驥與平蠻將軍宮聚副將張軌田禮方瑛等統兵十五萬并調木邦緬甸南甸干崖隴川諸兵自騰衝整師出于崖抵金沙駐哈罕二渡時賊柵西岸緬甸陶孟備船二百餘爲梁官軍從梁渡一鼓破之擒斬數千里賊走保鬼哭山立大寨三小寨七每寨設巨柵數

重官軍乘勝縱擊之連破諸寨柵殺賊殆盡而思機
思上仍遁乃班師留方瑛守雲南敢緬甸宣慰上刺
浪孟養宣撫銀起莽捕思機思上而蠻人復擁思任
少子思陸攻恭頂走之仍據孟養地其言緬人不能
撫民衆願仍立思氏永當差發時兵力已疲且度賊
終不可滅乃與思陸約許以僧目得部勒諸夷居孟
養如故而無官職且不許渡金沙江一步立石江上
誓曰石爛江枯爾乃得渡枯渡然其時有猛密曩罕
弄事

猛密本木邦部落明初設木邦車里孟養緬甸諸軍

民宣慰而木邦在六慰中分土最遠猛密十三處皆在其內時有陶孟司歪者守猛密陶孟土目稱猶漢稱巡檢也其地有磚城而無樓櫓倚南牙爲險而環以摩勒金沙二水所產瓜菜花蔬與中國同獨寶井多利木邦宣慰罕樸者利寶井所有特以愛女曩罕弄妻司歪罕樸死孫罕密立嗜酒好殺曩罕弄自恃姑行思奪曩結族人與爭不得景泰中興兵侵木邦遂罕密據之傍略撿川孟養諸地自稱天娘子其子思樸稱宣慰每以金寶結內欲自立爲守臣所抑不得行成化初南寧伯毛勝守雲南貪猛密寶石許得

自貢不開木邦而太監錢能直就徵其地自是曩罕
弄益怙勢縱橫無忌十七年黔公沐琮以勦聞曩罕
弄大懼會大學士蔣安作用事有劉賓王者江西人
也。逋猛密謂曩罕弄曰無憂萬閣老權而貪陰結昭
德宮與皇親萬喜取厚蓋賂以重寶而陰持之時兵
尚書張鵬請用兵安與劉珣執不可雖安邊息兵其
言甚可聽而不知其以私阻也既而安遣官出撫使
劉大夏往喚以美遷大夏辭不行適副都程宗以憂
歸卽起復偕譯使蘇訥往至雲南大言猛密宜開設
衆驚賊巡撫吳誠有難色宗叱之曰一何傖汝敢與

內廷抗耶誠倉皇不知所爲發疾卒宗乃率鎮守及
三司會勘杖木邦訴民而犒龔罕弄使者時鎮守謂
龔罕弄當出迎既而不至且請曰我婦人不能遠涉
願都堂就我宗乃踰南牙山就見又請曰我見都堂
須有坐宗乃命坐龔罕弄坐定互譯良久已而笑曰
我猛密之于木邦猶大象之孕小象也今小象長成
軀倍大象矣寧能復納之大象胞胥中乎宗曰然遂
別立猛密宣撫司以思樸爲使開設衙門徑隸布政
司與木邦抗安閒狀大喜遂以宗巡撫雲南尋遷刑
侍郎進南工尚書而思樸奪木邦地逐罕乞如故弘

治五年罕它迎婦孟乃寨思樸襲之據其地二十七處誘降其頭目高客落放卓孟信蠻等罕它不得還依住孟乃寨者三年巡撫張誥遣叅政毛利副使荆茂詣猛密曉以利害思樸猶不服乃遣叅政方守僉事周鳳等督理糧餉叅議黃東山副使趙炯等督隴川南甸干崖三宣撫兵共趨蠻遮思樸度不能抗引去罕它始得歸廷議謂罕它雖返故土然思樸未悔罪委官召思樸出見與罕它歃血盡還侵地而思樸終抗命且復稱兵圍蠻遮蠻遮求援不能應於是孟養思陸請自效勦思樸

先是思陸既受約去官不過金沙江一步然豪僭夷中較昔尤甚居常怏怏必欲復故職會成化中太監錢能鎮雲南思陸乃以祖母璩帶及諸珍物餌能名見設飲食親與相對思陸益自負及弘治改元詔以金牌信符給徼外土酋時孟養宣慰雖廢而兵部失檢偶以舊號頒給思陸遂以牌符呼名諸夷曰天朝復官立我矣諸夷信之遂略取傍小邑自廣至是請勅思牒而諸夷競傳猛密畏思陸兵當從思陸請遂改屯科以爲然遂請于總兵鎮巡官檄召之未至思牒遣人賂思陸思陸不受曰吾破猛密則寶將焉

往而需賂爲科等聞其語益喜乃約木邦爲內應而
木邦罕乞亦密遣夷目陳思樸可擒之狀會副使趙
炯與科會騰衝而叅議黃東山則先之隴川儲糧科
欲急爲功合罪人納贖米及徵潞江土舍侵川歲例
銀犒軍促調孟養兵孟養兵至其領兵者爲大陶孟
倫索過金沙江指飛鷹笑曰我曹猶此也得食卽食
其不爲人使明矣科聞大愠值科營失火營燬狼狽
移屯不能軍且飢甚日採芭蕉心食之遂引退而孟
養兵無意戰將取道干崖徙去思樸遂遣兵躡之孟
養敗然思樸終以勢不敵遣土目曩方請事願獻象

二隻謝罕它仍備方物入貢科喜方自以爲功而鎮
巡委副使荆茂及黃東山往驗且受其請奏錄茂東
山及炯利功而以科營失火使對簿科不平奏辨功
過炯以茂東山功在已上賦詩十二章以進上惡之
罷科炯官而孟養則從此違誓渡江大攻猛密取蠻
莫貢章諸寨撫諭不聽會罕它死子罕烈襲宣慰職
年幼不能自立欲借思陸兵報猛密思陸遂自稱宣
慰阻山四山黔公沐英上三策上大征中雕勦下撫
諭詔姑用下策遣叅將盧和統官軍同參議郭緒副
使曹玉詣思陸問諭思陸聽命渡江去時鎮巡請暫

于騰衝撥官軍堵守錫思陸名目冠帶朝議不許嘉靖初諸夷以仇殺侵奪各上訴下鎮巡按勘鎮巡遣官偏歷諸夷各伏罪還所侵地會思陸已死其子思倫與木邦罕烈各入貢思倫約罕烈擊緬撈其宣慰莽紀歲語具緬甸誌於是紀歲子莽瑞體仇殺并孟養有之而思氏遂衰當是時木邦罕烈與猛密思棟子思混仍爭地不決朝議以蠻莫猛母十三寨土地遼闊輪戍不能守莫若分其地仍屬猛密管食歲徵差發銀一千兩而割孟乃七寨仍歸木邦未果旣而木邦猛密俱入緬見緬甸誌

正德八年蒙自土舍祿祥爭襲父職酖其嫡兄祿仁而安南長官司土舍那代助之以兵遂稱亂守臣討平之事聞上命蒙自土官改安南長官司爲新安守禦千戶所調臨安衛中所官軍戍之十六年潞江安撫司土官安捧奪其從弟掩庄寨三十八所掩屢訟于官不報捧遂集夷兵圍掩寨縱火屠掠掩母子妻妾及夷民男婦死者八十餘人因據有其地鎮巡聞狀乃統官軍誘執之捧尋死于獄上命仍戮尸梟市其子諡及黨與皆斬

勸州十八寨夷久爲民害有阿寺阿勿者交通寧

州土舍祿世爵遂于正德十五年相約稱亂都給事
劉洙以聞上命巡撫何孟春巡按陳察討之擒寺忻
勿併俘其黨一千七百餘人先是寧州故有上官知
州職專巡捕至州事則流官知州掌之武宗嗣位土
官祿倖惡其礙已乃賄璫權革流官至是祿世爵以
叛故論死世爵倖子也乃復設流官調通安州知州
堅昂補之而祿氏土知州竟罷襲焉

廣南府知府廖鉉避瘴臨安以府印令土同知儂仕
英子添壽護之添壽死家奴跛朋竊其印并經歷司
印以逃既而歸印于族叔儂仕祥所時仕英親弟仕

解例得入襲通把李福請追仕祥印與仕祥而仕祥
不許遂獻地與泗城州土官岑接與之連婚日謀構
其滅仕祥家亡何仕祥亦死其子琳乃以府印送接
而經歷司印則琳弟瓊搜有之巡撫王懋中廉得其
狀調兵往問瓊懼還印于通判周憲會承差李志聰
道經泗城接詢問官兵虛實志聰張皇之日曉以順
逆利害接亦懼遂以府印還志聰時所調兵甫至境
建遣班師廷議褒憲及志聰而治鉉擅離與守巡失
撫之罪至瓊接抗命既已輸服姑勿問詔可
尋甸武定舊皆設土知府成化中尋甸安晟死兄弟

爭襲巡撫王恕與黔國公沐琮請罷尋何上官改流
官知府而武定如故正德初武定阿英者以賄通瑾
襲知府改姓鳳氏駕言有軍功當破例陞布政司右
叅政仍理府事擁衆鼓吹迎入布政司堂上任不許
乃就司儀門上任而去先是陞叅政時請乞金帶禮
部覆無例上復破例令賞銀花金帶一束至是快快
手把所束金帶曰安川是遂蓄異志尋死子朝明襲
朝明有叛狀火頭吾孟才告之官巡撫唐龍奏請從
鶴慶諸例改流官知府而朝明犖金二十萬入賂錢
寧事得止嘉靖六年尋何知府馬性魯徵差發銀紫

馬頭安銓妻于獄簿比裸下體笞之銓怒名衆亂略
嵩明州山楊林木密攻諄旬將捨知府報怨而知府
已遁乃殺指揮王升唐功千戶郭彬去時叅政黃昭
道副使周奎統官軍討之大敗于是巡撫傅習急調
土司兵援勦而以武定鳳朝文統兵千餘守厭江朝
文者朝明弟也先是朝明有叛狀欲收流未果朝明
死于詔幼常襲其妾瞿氏請護印朝文忌之嘗召衆
與安銓往來且銓妻被笞者又鳳氏也至是據檄曰
還攻武定嚼之殺同知袁保知州秦繼等一十三人
合銓兵二萬于會城西北關外聲言感諸母子已就

戮朝廷且盡勦武定蠻寨激請蠻叛延命兵部尚書
伍文定統禁兵出征未至按察徐瓚議調各土兵與
衛兵協勦已取朝文于會城會鳳詔同抄里氏皆督
兵自會城出諸蠻望見詔錯愕爭投詔降朝文知事
去絕普渡河走官兵追及又敗之乃取道霑益思奔
東川土舍輔祐斬其首而銓衆尚盛復歸據尋何列
寨數十官兵分哨連破之至必古老寨銓突圍將走
芒部爲土舍祿慶所殺文定至部署而還當是時武
定雖亂然尚設土官如故而其後有鳳繼祖者
鳳繼祖卽鳳朝文養子也初鳳朝明死其子鳳詔以

幼襲令詔母羅氏護印而歸詔又死繼祖名阿倫至是遂更名繼祖欲以奪襲而羅氏不許請從土婦襲職例令詔妻索林承襲復使索林又娶婦爲後襲計既而羅氏有外行與索林稍嫌隙繼祖乘間走京師獻金納指揮級陽言襲武定知府得朝命揚揚具與馬冠帶以歸土人不知者附之如鶩遂囚繫羅氏而逐索林巡撫放宗慶討之不克會易門土縣丞王一心反與庄戶李向陽土巡檢王行道等聚衆數萬人自稱混天大王以普文爲軍師攻開州縣而繼祖應之且與尋甸土賊虧遮共拒官軍復誘索林與講解

襲殺其火頭鄭竑等七十人出富民羅次大掠分遣
東川營長阿科等攻曲靖尋甸時教宗慶已罷新撫
呂光洵以工部侍郎奉命至與黔國公沐朝弼布政
使鄔璉參議盧岐疑副使張天復統土官李得等兵
由馬頭井龍分道攻入搗其巢擒斬賊首李向陽而
密從間道進兵趨尋甸攻破五寨擒虜遮及王行道
等乃與鄔璉盧岐疑張天復議築武定城建守禦于
戶所而繼祖復連姚安高欽據鐵鎖箐仍出四掠朝
弼議招撫光洵不許復以旗牌調土酋官兵尅期集
武定分爲四哨令土官儼文舉等各以險隘入而監

以諸司員移檄川貴巡撫各舉兵應大敗賊衆于武定之西關繼祖亦乘勝焚其巢追及于會里州阿五賊寨圍之士官陸紹先士婦安素饑先登斬高欽及賊首二百餘級繼祖乃領兵萬人分哨衛營紹先與指揮盤珠屢戰陣斬賊三十餘級賊大敗降崖投澗死者無算光洵令紹先以計撫繼祖頭目者色令領兵趨賊寨四面圍伏而以健兒隨者色入帳中斬繼祖首并火頭卞大才等數十人光洵乃自至昂陽討擒王一心梟之因請改土設流降姚安武定二府土官襲木府經歷不得統領軍務而除易門土縣丞職

上安輯大事曰增流官曰立學校曰更驛傳曰移巡司曰置捕館曰遷州治光洵以功進尚書餘賞賚如例而于是鶴慶廣西尋甸姚安武定諸府皆流官焉三十五年武定酋阿克有馬頭四十八人而鄉舉稱首標悍多力富于財知府陳典收禁之舉以兼金置魚腹中饋典獲免已復收之如是者再四舉惡其無厭乃與阿克等攻破府城殺指揮金守仁千戶王應爵等男婦四百五十餘人時陳典以入賀在會城賊擁推官自明通以兵隨其後直抵會城進公移請以冠帶印信給阿克圍城三日復分其餘賊四出焚掠

沿村鎮市所至殘滅盡殺諸老稚而抽其壯者爲賊
鎮巡不得已從圍城給印絕與之去攻元謀和曲諸
城未一月陷一府三州四縣時尋甸土目大理保楊
禮結火頭招補阿白者色及土婦海中爲亂攻破嵩
明署印知事李性先棄印逃遂殺吏日常宗孝學正
龍旌山楊林還尋甸復殺指揮諸藩裕等會巡按御
史周懋相侯代駐曲靖調密益安紹慶土兵自嵩明
追賊尋甸屢戰屢捷三十六年三司官亦分道追賊
而鄭舉等已西破祿豐知縣蘓賜力戰死已而諸路
兵大集擊賊斬其家屬十一人阿克鄭舉逃東川官

軍追及之土司祿折縛阿克鄭舉獻軍前并其黨鄭
文鄭宗舜而叅政楊俊臣亦率廣南僮兵擊敗海冲
等奪還嵩明諸州印信副使羅希益斬楊禮楊成俘
其孥于是尋甸武定賊一時俱平天啟中武定吾必
奎以從征功受官既而反連陷祿豐廣通諸縣進攻
楚雄府破之副使楊畏知分巡金治統官軍追勦生
擒吾必奎伏誅乃留畏知駐楚雄爲諸蠻鎮畏知後
以附末明死南寧中